

中國歷史地理文獻輯刊

目錄類地理文獻集成

第六編

四

上海交通大學出版社

中國歷史地理文獻輯刊

目錄類地理文獻集成

第六編

四

上海交通大學出版社

目錄類地理文獻集成

本冊目錄

目錄類地理文獻集成(四)

題跋類地理文獻

題跋之屬·明代卷

一

題跋之屬·清代卷上

九

題跋之屬·清代卷中

七十九

題跋之屬·清代卷下

一四七

題跋之屬·近代卷上

二二五

題跋之屬·近代卷下

二六二

題跋之屬・明代卷

(明)都穆 撰

南濠居士文跋

明刻本

南濠居士文跋

一 目錄類地理
文獻集成

陝州志

今之州邑大率有志予所見多矣然往往彼此如一
冗雜可厭近閱陝州志而重有嘉焉志修于知州事

安福顏君德侔其文辭雖簡而事實不遺蓋有得乎
古人叙事之法使志州邑者而皆若是是可謂之志
矣余向以使事道陝得識顏君知爲賢守今復觀此
蓋信其爲守之賢不可及也州故召公聽政之所甘
棠遺愛至今猶存斯志也雖與召公之棠并傳于世
可也

南濠居士文跋

二 中國歷史地理
文獻輯刊

登封縣志

登封河南之屬邑也山有嵩高在其境內爲五岳之
尊詩云嵩高維岳峻極于天又云維岳降神生甫及
申而孟子云禹避舜之子于陽城說者謂陽城乃嵩
山下深谷今有啟母之石存焉登封而有山如是是
豈直一邑一郡之重固將爲天下之重也余昔奉使

道經其地大雪中由少室抵嵩于少林寺觀達摩面壁石其形宛然石上于嵩陽廢宮觀漢武所封大將軍柏殆三代時物以爲平生奇逢今觀邑令李君斯志其中述作若盧照鄰沈佺期宋之問李太白王摩詰白樂天皆唐之名流而大儒君子若范文正程伊川邵康節亦皆在焉又爲之驚喜謂他志之所未有則其重又不止于山而已李君之爲此去取甚嚴叙事有法可以一洗他志之陋而况有山與文以重之

南濠居士文跋

耶噫是可傳已

三

目錄類地理
文獻集成

紅雨樓題跋

中國歷史地理
文獻輯刊

(明)徐渤 撰 (清)鄭傑 輯

紅雨樓題跋

清嘉慶三年鄭傑刻本

武林舊事

武林舊事六卷題曰泗水潛夫輯正德中浙江巡按御史宋廷珪刻之跋語云潛夫不知為誰偶閱七修彙稿載元人周密字公謹居齊作齊東野語居杭癸辛街作癸辛雜志自號泗水潛夫又嘗居華不注號弁陽老人以周子窓草不除號草窓類稿不言其作舊事予謂泗水潛夫即密也當是居杭日所著耳此本得之武林肆中板額漫漶然一覽而南渡繁華之盛可想見矣萬歷甲辰春徐惟起書

瀛涯勝覽

古今說海有星槎勝覽歷代小史亦收之乃永樂宣德間費信所著此曰瀛涯勝覽分上下二卷乃會稽馬歡永樂間從太監鄭和下西洋歷

紅雨樓題跋

卷上

目錄類地理
文獻集成

諸番所記天時氣候地理人物者也校之星槎尤為詳備蓋星槎紀四十國此惟十八國蓋馬氏經歷僅此耳斯本向未有傳余考焦太史經籍志亦未有載偶於稜陵舊肆購之抄寫精工二百餘年物也藏之以俟博雅君子倘彙書之一種耳萬歷丙午夏仲徐惟起書於白下旅次

張騫乘槎圖

張華博物志謂有居於海上者每歲八月輒有浮槎至焉於是晁糧而汎之遂至天漢之上又

紅雨樓題跋

卷上

二
中國歷史地理
文獻輯刊

按荆楚歲時記則以為博望侯張騫使大夏尋河源時事二說稍異蓋誠不可得而詳者矣此圖墨氣秀潤絹素縝密當為南宋時筆而題咏諸家又為國初宗藩名衲詩詞爾雅書法道勁每一披覽真若陟昆侖涉河源遊於雲漢之表邱子惟直雅好名墨此卷殆錢中錚錚者若夫鑒定誰氏之筆則有正法眼在未敢臆評也萬歷庚子夏書於開福蘭若

陳后金鳳外傳跋

王永啟既得陳后傳於農家予借錄一本反覆
考核其姓名事蹟歲月地里與史乘符合者勿論中
有少異者史謂審知節儉府舍卑陋何至築離
宮自娛然西湖水晶宮之名古志有之豈立國
拜王之後遊觀所不廢乎五代史南唐書俱謂
延鈞妻早卒繼娶金氏通鑑紀事本末謂延鈞
兩娶劉氏傳稱初娶漢主劉巖女繼選劉氏金
氏豈歐馬二公未脩載乎史謂繼鵬因陳后請
春鶯於延鈞延鈞與之傳稱延鈞怒欲殺繼鵬
豈陳后曾請之延鈞未之許乎史謂林興教繼
鵬造三清臺傳稱出於譚紫霄豈妖巫之黨史
不一一書乎抑紫霄實主其謀乎史謂延翰為
審知養子延稟所殺傳稱出於周彥琛而資治
通鑑謂延鈞誅延稟隨復其姓名豈史姑從其
舊乎李倣怒金鳳而進春鶯匡勝怒繼鵬而白
其姦雖無可証然可殷鑒李倣於閩主匡勝無
禮於福王史之所載明甚豈盡影響乎金鳳為
陳巖之女春鶯為李倣之妹縱無可考然陳巖

紅雨樓題跋

卷上

三

目錄類地理
文獻集成

鼓山志

余自丁亥歲遊鼓山迄今十五載凡二十餘度
每欲纂集游山詩文若無舊志可稽只於老禪

紅雨樓題跋

卷上

四

中國歷史地理
文獻輯刊

處閱見舊板數十片知其殘缺心甚恨之今年
四月偕曾能始復往游焉仍議纂修山志廣詢
積書之家俱弗獲觀最後借一本於通家黃君
如得拱璧遂抄錄一副藏之笥中舊本仍歸主
人也黃君尊人名用中號鼓山與先子莫逆觀
前序因知用心之勤後之覽者得無仰前輩之
傳洽乎辛丑五月二十三日書

(明)徐燊 撰 (清)繆荃孫 輯

重編紅雨樓題跋

清宣統年間峭帆樓叢書本

重編紅雨樓題跋

卷一

十一

目錄類地理
文獻集成

刻淳熙三山志後跋

宋三山志四十二卷林都諫先生捐貲授梓閱歲告成數百年不絕如綫一旦翻摹傳之來禩甚盛心也又恐秘之家塾傳弗能廣乃徙置法海禪寺令主僧守之以便好事者印行昔白樂天以生平所著散布東林香山善聖南禪諸寺與僧爲約不出寺門不借外客以叢林中善保守也今都諫旣實板於寺且能公諸人其視白

公廣狹又何如哉萬曆癸丑臘月徐燊題

福州舊志

舊府志十二冊先君向所儲也萬曆丁酉古田令劉君欲考本邑事向先兄借二冊去越三載先兄歿劉令亦不以見還余屢託古田丞李君元若轉索僅得其一而第十冊竟無有也蹉跎十載未遑鈔補今歲因纂修之便迺補一帙復成完書此志刻在正德庚辰未及百年故家鮮有藏者自今以往愈不可得矣子孫其慎重之哉王子仲夏徐燊公書

鼓山志

重編紅雨樓題跋

卷一

十二

中國歷史地理
文獻輯刊

余自丁亥歲遊鼓山迄今十五載凡二十餘度每欲纂集游山詩文苦無舊志可稽只於老禪庵閣見舊板數十片知其殘缺心甚恨之今年四月偕曹能始復往游焉仍議纂修山志廣詢積書之家俱弗獲觀最後借一本於通家黃君如得拱璧遂鈔錄一副藏之笥中舊本仍歸主人也黃君尊人名用中號鼓山與先子莫逆觀前序因知用心之勤後之覽者得無仰前輩之博洽乎辛丑五月二十三日書

金精山志

先君向有金精山志藏之篋笥時取披覽及爲茂名學

博在癸酉之歲時學憲邵口試闔郡教官文又有詩詩乃登金精山爲題諸教官不知金精山何地茫然不解先子曾覽是志頗知其中事蹟乃賦詩曰蹤步遨遊江上臺卻憐塵世幾時來千層萬洞衝雲起百道鳴泉繞澗迴仙子棋聲驚白鶴道人屐齒印蒼苔相看已有登臨興媿乏當年作賦才邵見詩大稱賞拔置第一因爲延譽甚力次年巡按御史張口復試迎春詩先子復拔置第一丙子遂擢永甯皆二詩之力也杜甫云詩是吾家事子孫安可弗知詩哉壬子冬至日惟起書

金陵梵刹志

重編紅雨樓題跋

卷一

十三

目錄類地理
文獻集成

余至洪都舍喻宣仲齋中旬日臨別出此爲餽攜出章江舟次日坐篷底覽之行至臨川則覽終卷矣回想金陵之遊又歷四寒暑無緣再至翻讀文字不覺身在四百八十寺閒也已酉長至日徐興公記

武陵舊事

武陵舊事六卷題曰泗水潛夫輯正德中浙江巡按御史宋廷珪刻之跋語云潛夫不知爲誰余攷七修類稿載元人周密字公謹居齊作齊東野語居杭癸辛街作癸辛雜志自號泗水潛夫又嘗居華不注號弁陽老人以周子窗草不除號草窗類稿不言其作舊事余考泗

水潛夫卽密也當是居杭日所著耳此本得之武林肆中板頗漫漶然一覽而南渡之勝可想見矣萬曆甲辰春日徐惟起書

瀛涯勝覽

古今說海有星槎勝覽歷代小史亦收之乃永樂宣德閒費信所著此曰瀛涯勝覽分上下二卷乃會稽馬歡永樂閒從太監鄭和下西洋歷諸番所記天時氣候地理人物者也校之星槎尤爲詳備蓋星槎紀四十國此惟十八國蓋馬氏經歷僅此耳斯本向未有傳余考焦太史經籍志亦未有載偶於秣陵舊肆購之鈔寫精工二百餘年物也藏之以俟博雅君子備彙書之一種耳萬曆丙午夏仲徐惟起書於白下旅次

重編紅雨樓題跋

卷一

十四

中國歷史地理
文獻輯刊

(明)毛晉 撰

隱湖題跋

民國八年虞山叢刻本

隱湖題跋

一

目錄類地理
文獻集成

跋西京雜記

卷末記洪家有劉子駿書百卷先公傳之云云按所謂先公者歟之於向也而館閣書目以爲洪父傳之非是陳氏云未必是洪作晁氏云江左人以爲吳均依託爲之俱未可攷至若邇來坊刻作劉氏撰抑可笑矣據唐藝文志亦只二卷今六卷後人所分也余喜其記書真雜一則一事錯出別見令閱者不厭其小碎重疊云

跋東京夢華錄

宗少文好山水愛遠游既因老疾卧游之論後來凡探居一室馳神一遐者輒起其語作夢游卧游以寫志坊間乃與夢華合刻不知卧游語錄特作汗漫游耳若幽蘭居士華胥一夢直

以當麥秀黍離之歌正未可同玩況昔人所云木衣綈繡土被朱紫一時盛麗驚人風景悉從耳礫堆中描畫幻相卽令虎頭捉筆亦在阿堵間矣庶幾與洛陽伽藍記並傳元老無遺憾云

跋五色線

攷中興館閣書目稱不知作者據百家雜事記之爲類門舊跋亦不著年月姓氏因披閱所載多密藏異蹟雖不逮容齋五筆亦迥出雲仙諸冊矣亟訂梓之凡我同好勿與碧雲殿共置幸甚

跋洛陽伽藍記

魏自顯祖好浮屠之學至胡太后而濫觴焉此伽藍記之所由作也鋪揚佛宇而因及人文著撰園林歌舞鬼神奇怪興亡之異以寓其褒譏又非徒以記伽藍已也妙筆葩芬奇思清峙雖衛叔寶之風神王夷甫之恣態未足以方之矣顧高宗以北地質魯邈都洛陽立國子太學四門小學如李冲李彪高閭王肅郭祚宋弁劉芳崔光輩皆以文雅見親制禮作樂蔚然可觀有魏一百四十九年間最爲希有又未可以永平以後專尙釋氏而少之也

隱湖題跋

二

中國歷史地理
文獻輯刊

題跋之屬・清代卷上

(清)錢謙益 撰

牧齋題跋

清鈔本

牧齋題跋

一

目錄類地理
文獻集成

題何平子禹貢解

往余搜採國史獨儒林一傳寥寥乏人國初則有趙子長嘉靖中則有熊南沙近見何玄子之注易私心服膺以為可與二公接踵者也玄子之弟平子作禹貢解上自山海經下逮桑鄰水經古今水道分經理解如堂觀庭如掌見指此亦括地之珠囊治水之金鏡也昔謝莊公左氏經傳隨國立篇製木方丈圖山川土地各有分理離之則州別縣殊合之則字內為一吾每嘆之以為絕學今平子殆可以語此平子其茂勉之更與玄子努力遺經兄弟並列儒林豈非本朝盛事哉

拜經樓藏書記

中國歷史地理
文獻輯刊

(清)吳壽暘 撰

拜經樓藏書題跋記

清刻別下齋叢書本

高麗圖經

讀書敏求記高麗圖經四十卷宣和六年徐兢奉使高麗撰圖經四十卷凡三百條物圖其形事爲之說上之御府乾道三年徐戴鏤板澠江惜乎圖亡而經存兢字叔明張孝伯與作行狀附刊於卷末先君子書敏求記云今世所傳鈔本僅說數十番又不如本矣觀震川先生集中跋此書之語則叔明之志亦可取也辛亥冬

拜經樓藏書
跋記

一 目錄類地理
文獻集成

日有書賈持來舊鈔高麗圖經四十卷凡二百餘番前列兢自序後有其兄子戴記得書顛末及刊梓歲月卷末有海鹽姚士粦及鄭宏跋又有乾道元年張孝伯作徐兢行狀簡莊徵君跋云宣和奉使高麗圖經四十卷宋徐兢撰靖康之變圖亡經存乾道三年從子戴刻於澠江郡齋明末海鹽鄭休仲重刊近吾友鮑君以文復以家藏繕本刻入知不足齋叢書校補鄭本脫字凡數千又正二十七卷錯簡數條允推善本嘉慶九年冬十月同里吳槎客先生以所購鈔本見示蓋卽鄭刊本錄出者因攜至吳門從黃君紹甫借得舊鈔本并取鮑刻本互爲校訂補其闕字惟錯簡尚須舊錄聞吾郡趙

氏小山堂藏有高麗本不知刻於何時前在京師遇高麗使臣朴君修其詢及是書云彼國刻本尙多惜行笈中未曾攜帶耳嘉慶十年春二月望日書於江陰縣署地卽澠江也

又

知不足齋叢書中刻本緣飲先生從宋本校格式行欵及字句同異俱親手塗改添補蠅頭細楷丹黃粲然彌足見先生讀書之精審

武林舊事

武林舊事舊鈔本甚精綠飲先生題云癸卯十一月三十日得此于集英堂前有鶴谿主人笠澤曹炎之印

拜經樓藏書
跋記

二 中國歷史地理
文獻輯刊

口駙馬都尉冉興讓子五君者國楨之中戚也予詢之亦云是當時傳聞異詞諸家傳記類多失實非訪諸其鄉人至戚無從定其真僞宜東山先生此錄亦未覈實耳

華陽國志

刻本向闕卷十中二子卷乾隆癸丑先君子借盧抱經學士本補鈔並校又卷八永康八年詔徵刺史歐爲太長秋一篇下補永甯元年春正月廢遣萬餘人斷北道次綿竹以下四葉其餘字句脫誤同異補正處甚多按程大昌演繁露云後漢傳贊注梁州北距華山之陽南距黑水故常璩敘蜀事謂之華陽國志也

奉使西域行程記

右三卷題行在吏部驗封清吏司員外郎臣陳誠北京苑馬寺清河監副臣李暹謹進前有正統十二年國史總裁王直序後附胡廣周孟簡鄒緝送行詩序

李侍郎北使錄

鈔本北使錄一冊不著撰人名氏首行題李侍郎北使錄先君子記云此錢遵王藏書

(以上卷一)

拜經樓藏書題跋記

目錄類地理文獻集成

拜經樓藏書題跋記卷三

海昌吳壽暘虞臣纂

水經注

水經注四十卷明項氏刻本先君以柳氏鈔本手校每卷皆有題記卷末跋云山海經而後地理之書莫過於水經而水經之所以超陵羣籍者亦藉有酈亭之注存焉爾水經原水一百三十有七注中又得一千二百五十有二包舉華夏囊括古今俾學者足不必踰戶庭舉凡天下經流原委瞭然若指諸掌藉令郭宏農移山海之筆而爲之絮長較短吾未知孰得而孰失也世有修水道者執此以往非但神禹之遺跡可求卽管子所稱

拜經樓藏書題跋記

二 中國歷史地理文獻輯刊

三億三萬三千五百五十有九之數旁引曲證庸詎知不復見於今日耶惜閱時既遠習者久乏專家自唐以後闕失頗多宋館閣所藏止三十五卷蜀本僅二十卷故歐陽公且未見足本今幸復四十卷之舊而其間經注混淆訛文脫簡不勝悉數金源有蔡氏珪補正水經已不可復得自明以來校讐刊布者家數漸廣如楊氏慎黃氏省曾吾族人瑄陳氏仁錫鍾氏惺譚氏元春及項氏綱此本而南昌王孫謀璋之箋爲最傳其用舊本傳錄是正者又有若歸氏有光舊鈔本趙氏琦美三校本朱氏之臣補正本全氏元立天敘吾騏三世校本馮氏夢禎勘定本錢氏曾依宋刻校本黃氏宗義芟本孫氏潛再校本顧氏炎武校本黃氏儀校本并圖劉氏獻廷注疏本姜氏宸英校本何氏焯再校本沈氏炳異集釋本全氏祖望七校本而柳氏僉影宋鈔本爲最精他如周氏嬰閻氏若璩胡氏渭顧氏祖禹董氏炮杭氏世駿齊氏召南皆嘗援據辨證以匡其失逮仁和趙氏一清復博采史傳斟酌諸家之說繩愆糾謬定爲水經注釋四十卷又別纂朱箋刊誤十二卷自謂集古今之大成于桑鄺二家可稱功臣所遺憾者惟未覩柳氏本耳按僉字大中吳人別號味茶居士書鈔於正德中前有道元原序雖闕而不全顧別本皆無之吉光片羽洵希世之珍也舊藏洞庭葉石君家旋亦散去予旣錄得趙

本又嘗慨慕柳本有得隴望蜀之想癸巳秋日吾友鮑綠飲忽從湖墅友人齋頭獲見此本馳以告予爲之狂喜彌日因亟從借歸出趙氏書中孫潛校補數處證之壹皆脗合簡端雖不著大中姓氏定爲從柳本傳鈔可無疑者欲影鈔一本卒卒未暇乃先取項本手爲讐勘其不同者悉表而出之以資參攷始於癸巳季冬訖於甲午仲秋凡九閱晦朔蓋百里外借書往來動多作輟故也原本雖亦間有亥豕然披沙簡金往往得寶在擇之者何如耳嗟乎是一帙也趙君以畢生之力求之而不可得予遇之若取諸懷袖何造物者之嗇於彼而暉於此也抑書之遇不遇亦有時歟予既自廢其遭略取

拜經樓藏書題跋記

三 目錄類地理文獻集成

顛末而著于此後之得吾書者其寶之哉乾隆三十九年重九日海甯吳某書于拜經樓 柳本鄺序缺深屏營也至枉渚交奇凡半葉此從新刻本補全每葉廿二行并校訛字此序蓋從永樂大典內錄出使人得觀全璧何其幸也冠牀記此序行間字數猶是宋板本來面目又記又書卷首云柳本卷下俱有第字人名上不署漢及後魏字後同凡殊筆注一作者俱柳鈔本柳本經注皆白文無小注故此本小注並用乙

元豐九域志

元豐九域志十卷吳中家菴菴先生從青芝堂影宋本

錄出復以舊志校勘者每葉大字二十二行每行大字二十二小字夾行每行二十三及二十四二十五字先君子從菴借鈔並書其跋云新定九域志十卷青芝山堂影宋鈔本復從元豐舊志校勘者首卷原闕四京以下六版又脫曹州濟陰郡半版亦從舊志鈔補并錄入進表一篇略成完書矣新定本較舊志增多古跡一門宋竹垞謂舊志多經進之書此則民間流行之本未知然否慨自視穆方輿勝覽殘山剩水僅記偏安州郡惟此與樂史寰宇記猶見全宋規模而流傳甚罕識者所當什襲而寶貴之也乾隆戊戌秋九月枚菴漫士吳翌鳳書 先君子跋云家菴菴僑居吳下性喜藏書每

拜經樓藏書題跋記

四 中國歷史地理文獻輯刊

遇秘本輒手爲傳錄蓋今之方山也王正仲九域志流傳絕少而有古跡者尤爲難得癸卯夏從枚菴借得因亟鈔而藏諸拜經樓又云壬子仲春復以錢遵王影宋鈔本及嘉興馮氏新刊本重校一過

又

嘉興馮氏刊元豐九域志十卷先君子以青芝堂鈔本校跋云戊申秋日仲魚新購得錢遵王影宋鈔元豐九域志卽從京師寄予予受而讀之庚戌仲夏南還復以此本見遺蓋嘉禾馮氏新刊本也仲魚留心地學觀其跋語足徵其討究之深馮氏復借影鈔本重校而補刊各卷之後資仲魚之益亦不尠矣予習懶廢學虛遵王

善本留諸插架徒飽蠲腹因取遵王本仍還仲魚而以予舊日所藏青芝堂鈔本九域志有古跡者重校一過漫記于此壽陽按簡莊徵君得影宋鈔本馮氏借校補刊各條於每卷之後徵君有書後一篇論黎陽大伾山據本志復據宋史及文獻通考謂蔡氏書禹貢不當以黎陽縣繫今通利軍爲王厚齋所未及者先君錄其文於此本之後

乾道臨安志

乾道志鈔本止三卷每葉二十行行十九字先君子以錢氏萃古齋新鈔本校錢氏本每葉十八行行二十字前有厲樊榭先生序云乾道臨安志十五卷宋臨安

拜經樓藏書
題跋記

五 目錄類地理
文獻集成

府尹吳興周淞彥廣所修也此宋槧本僅一卷至三卷無序目可稽觀其稱孝宗爲今上紀職官至淞而訖其爲乾道志無疑吾郡志乘之有名者北宋圖經久已無考至南渡建爲行都則此志居首繼之以施惺淳祐志潛說友咸淳志皆爲宋人排續子所見者祇有咸淳百卷向在花山馬氏吳君尺鳧鈔藏尙闕七卷趙君谷林復購得宋槧本之半固已珍如球璧今孫君晴厓從都下獲此志雖僅十之一二而當時官闕官署城市橋梁坊巷具存職官始末更爲詳晰諸家儲藏著錄未有及此者淞尹京時撩湖濬渠綽有政績載在宋史其書更可寶也亟錄副本而歸之樊榭厲鶚識後 杭堇浦先

生跋云長興周淞彥廣撰臨安志十五卷直齋書錄譏其首卷爲行在所於宮闕殿閣全不記載其他沿革亦多踈略此書世所罕傳萬厯中吾郡陳布政善修府志時已不得見孫君晴厓得宋槧本於京師故家祇一卷至三卷所載園亭坊巷及職官姓氏爲潛君高咸淳志藍本其它惜無從更覓然斷圭殘璧爲此邦文獻計已不啻寶如圖球志稱乾道三年五月二十六日以右朝請大夫直龍圖閣兩浙轉運使知臨安府先是紹興五年嘗通判府事宋史本傳但言宣和間以父任爲郎厯官至通判建康府志稱乾道四年十月十四日磨勘轉右朝議大夫五年七月初四日除右文殿修撰再任本

拜經樓藏書
題跋記

六 中國歷史地理
文獻輯刊

傳但言進右文殿修撰提舉江州太平興國宮以歸無再任臨安事此可以補史之闕咸淳志載淞濬湖撩草諸善政孝宗手勅獎諭本傳但言其開湖一事亦似過略堇浦杭世駿跋

淳祐臨安志

淳祐志六卷每葉十四行每行大字十九小字雙行十九簡莊徵君從吳中爲先君子鈔得同時黃蕘圃主事亦錄一本蕘圃主事跋云今歲夏秋之交賈人從乍浦韓氏得書數百種盛稱中多舊本書大都皆余所有不復過問惟相傳有臨安志六卷本余甚疑之蓋乾道則太多咸淳則太少遂就賈人處索觀其書卷中所志淳